

* 5. HEDYPNOIS *pendula*. W.

H. caule erecto paniculato, foliis oblongis hispidis profunde dentatis, squamis calycis fructigeri glabris apice muricato - setosis. W.

Hyoseris *pendula*. *Balbis*.

Hängendes Röhrleinkraut. W.

Habitat — — — — — ☉ (v. f.)

Caulis erectus sesquipedalis hispidus, ut tota planta pilis furcatis obsitus, apice paniculatus. Folia inferiora obovata runcinato-dentata, superiora oblonga amplexicaulia profunde dentata. Pedunculi incrassati. Calyces calyculati, fructigeri oblongi; squamis glabris, apice setis obsitis. Differt ab *H. cretica* caule erecto, foliis hispidioribus profundiusque dentatis. Flores ante anthesin penduli ut in *H. cretica*. W.

* 1419. K R I G I A.

Gen. pl. ed. Schreb. n. 1244.

Recept. nudum. Cal. polyphyllus simplex. Pappus membranaceus 5-phyllus cum setis 5 intermixtis alternis.

1. KRIGIA *virginica*. W.

Hyoseris (*virginica*) scapis unifloris, foliis lanceolatis lyratis glabris. *Sp. pl. 1138. Gron. virg. 60.* *

Houttuyn Lin. Pfl. Syst. 9. p. 105.

Virginische Krigie. W.

Habitat in Virginia, Pennsylvania. ☉ (v. f.)

Folia radicalia prima ovata, tum lanceolata demum lyrata acuta glabra. Scapi nudi uniflori foliis triplo longiores. Calyces simplicissimi nec imbricati, ex decem foliolis lanceolatis. Corolla saturate lutea. Semina tetragona, coronata margine membranaceo integro, in super setis 3. f. 4 longis.

Pappus squamis membranaceis subrotundis obtusis quinque, cum totidem setis alternantibus compositus. W.